

যীশু ঘনঘন গৃহ পরিদর্শন করতেন

যারা শিশুদের শিক্ষা দেন তারা অবশ্যই শিশুদের অধ্যয়ণ V2b ব্যবহার করবে।

প্রার্থনা : “প্রিয় প্রভু, তুমি আমাদের মধ্যে বাস করতে এবং আমাদের গৃহ পরিদর্শন করতে এসেছিলে। এই প্রকারে তুমি আমাদের জন্য তোমার প্রেম দেখিয়েছ এবং আমাদের জন্য পরিত্রাণ এনেছ। অসংখ্য লোক তোমাকে চিনতে পারে নি অথবা তোমাকে গ্রহণ করেনি। তুমি কে সেই বিষয়ে আমাদের দৃষ্টি মুক্ত করার জন্য তোমাকে ধন্যবাদ। যাদের তোমাকে প্রয়োজন আছে তাদের ঘরে ঘরে তোমার সুসমাচার নিয়ে যেতে আমাদের সাহায্য কর।”

১) প্রার্থনার মাধ্যমে আপনার মনকে প্রস্তুত করুন এবং যীশুর দৃষ্টান্ত অধ্যয়ণ করুন।

লুক ১৯ঃ১-১০ পদে খুঁজে দেখুন, কিভাবে সখরিয় এবং তার পরিবারে পরিত্রাণ এসেছিল (উত্তর অনুসরণ কর।)

- সখরিয় কিভাবে যীশু এবং তাঁর বাণীর প্রতি আগ্রহ প্রকাশ করেছিলেন? (৩ পদ দেখ)
- যীশু কিভাবে সখরিয়ের প্রতি তাঁর প্রেম ও ক্ষমা প্রদর্শন করেছিলেন?
(৫ পদ দেখ)
- যীশু সখরিয়কে যে কথা বলেছিলেন তাতে প্রত্যেকে অবাক হয়ে গেছিলেন কেন?
(৭ পদ দেখ)
- সখরিয় কিভাবে তার অনুতাপ এবং কৃতজ্ঞতা প্রদর্শন করেছিলেন?
(৮ পদ দেখ)
- যীশু কেন সখরিয়কে তার গৃহ পরিদর্শন করার কথা বলেছিলেন?
(১০ পদ দেখ)

প্রেরিত ১০ অধ্যায়ে খুঁজে দেখুন, কর্ণেলিয়ের প্রতি, তার পরিবারে এবং অসংখ্য বন্ধুদের কাছে কিভাবে পরিত্রাণ এসেছিল।

- যারা যিহুদীদের রীতিনীতি অনুশীলন করতো না তাদের কাছে যাওয়ার জন্য ঈশ্বর কিভাবে পিতরকে প্রস্তুত করেছিলেন?
(৯ - ১৬ পদ দেখ)
- কর্ণেলিয়ের গৃহ পরিদর্শন করতে যাওয়ার সময় কে পিতরের সঙ্গী হয়েছিলেন? (২৩ পদ দেখ)
- কর্ণেলিয়ের গৃহে কে অপেক্ষা করেছিলেন? (২৪ পদ দেখ)
- পিতর তার বাণী দান শুরু করার পূর্বে কি করেছিলেন? (২৯ পদ দেখ)
- পিতর যীশুর বিষয় কি কি বলেছিলেন? (৩৮ - ৪৩ পদ দেখ)
- কর্ণেলিয় তার বন্ধুবর্গ এবং পরিবারসহ কত তাড়াতাড়ি বাপ্টিস্ম গ্রহণ করেছিলেন? (৪৭ এবং ৪৮ পদ দেখ)
- নূতন বিশ্বাসীদের বাপ্টিস্ম দানের পর পিতর এবং জোন্না থেকে আগত তার সাহায্যকারী কি করেছিলেন? (৪৮ পদ দেখ)

প্রেরিত ৯ঃ৩২-৪৩ পদের মধ্যে গৃহ পরিদর্শনের অন্যান্য উদ্দেশ্যগুলো খুঁজে দেখ।

২. সপ্তাহব্যাপী যে কার্যকলাপগুলো করা হবে সেই বিষয়ে সহকর্মীদের সঙ্গে পরিকল্পনা করুন।

উপাসক মণ্ডলীর লোকদের গৃহ পরিদর্শনের জন্য পরিকল্পনা তৈরী করুন। অন্যদেরও আপনার সঙ্গে রাখুন যাতে তারাও আপনার উদাহরণ দেখে শিখতে পারেন। মণ্ডলীর সদস্যদেরও সংগঠিত করুন যাতে মণ্ডলীর সমস্ত পরিবার অন্যদের কাছ থেকে নিয়মিত পরিদর্শন লাভ করেন।



যারা অসুস্থ এবং কষ্টে আছেন তাদের পরিদর্শন করার জন্য পরিকল্পনা তৈরী করুন যাতে আপনি তাদের জন্য প্রার্থনা করতে পারেন।

সেই সকল বন্ধু এবং পরিবারের সদস্যদের গৃহ পরিদর্শনের জন্য পরিকল্পনা করুন যারা যীশুকে জানেন না, যাতে তাদের কাছে আপনি খ্রীষ্টের বিষয় বলতে পারেন। আপনার সঙ্গে অন্যদেরও রাখুন অথবা তাদের সঙ্গে তাদের বন্ধু ও আত্মীয়দের গৃহ পরিদর্শন করার জন্য সঙ্গ দিন। যাতে তারা আপনাকে দেখে শিখতে পারেন। নূতন খ্রীষ্টানদের যীশুর বিষয় সরল সাক্ষ্য তৈরী করতে সাহায্য করুন, যীশু তাদের জন্য যা কিছু করেছেন সেই বিষয়ে, যাতে তারা তাদের বন্ধু ও পরিবারদের কাছে তাদের সাক্ষ্য বলতে পারেন।

৩. আগামী আরাধনার জন্য সহকর্মীদের সঙ্গে পরিকল্পনা করুন।

এমন কার্যকলাপ মনোনীত করুন যা সাম্প্রতিক প্রয়োজন এবং স্থানীয় রীতিনীতির সঙ্গে সাযু্য পূর্ণ।

কর্ণেলিয়ের গৃহে সুসমাচার নিয়ে যাওয়ার বিষয়ে পিতর এবং তার দলের বিষয়ে গল্পটি বলুন অথবা অভিনয় করুন।

প্রথম ভাগে যে বিষয়গুলো দেখেছেন সেই বিষয়গুলো থেকে প্রশ্ন জিজ্ঞাসা করুন।

ব্যাখ্যাঃ

- আমাদের পরস্পরকে উৎসাহিত করার জন্য এবং পরস্পরের জন্য প্রার্থনা করার জন্য পরস্পরের গৃহ পরিদর্শন করা উচিত।
- আমাদের একাকী যাওয়া উচিত নয়, দুজন করে অথবা দলগতভাবে যাওয়া উচিত।
- গল্পগুজব এড়ানোর জন্য একজন পুরুষের একজন মহিলার ঘরে একাকী পরিদর্শন করা উচিত নয়।
- পিতর উৎসাহদানের জন্য এবং অসুস্থদের জন্য প্রার্থনা করার জন্য অন্য বিশ্বাসীদের গৃহ পরিদর্শন করতেন। ঈশ্বর তাঁকে এক খ্রীষ্টিয় বোনকে মৃত্যু থেকে জীবিত করার জন্য ব্যবহার করেছিলেন।

পিতর যেমন কর্ণেলিয়ের গৃহ পরিদর্শন করেছিলেন, সেইভাবে যারা খ্রীষ্টকে জানেন না তাদের ঘরেও আমাদের যাওয়া উচিত। পিতর কর্ণেলিয়ের কাছে যীশুর বিষয়ে একটি সহজ প্রচার করেছিলেন। আমরা যখন এমন লোকদের কাছে যাব যারা যীশুকে জানেন না, তখন আমরাও সেই বাণীটি তাদের জন্য ব্যবহার করতে পারি।

এখানে কয়েকটি গুরুত্বপূর্ণ বিষয় উল্লেখ করা হল যা পিতর যীশুর সম্বন্ধে বলেছিলেনঃ

ক) ঈশ্বর চান সমুদয় লোক তাঁকে জানুক এবং পরিব্রাণ লাভ করুকঃ ৩৪ - ৩৬ পদ

খ) ঈশ্বর উত্তম কাজ করার জন্য, অসুস্থদের সুস্থ করার জন্য এবং শয়তান কর্তৃক যারা দূর্দশাগ্রস্ত তাদের আরোগ্য করার জন্য যীশুকে পবিত্র আত্মা এবং শক্তি দ্বারা অভিষিক্ত করেছিলেন। ৩৭ - ৩৮ পদ

- গ) যীশু পুনরুত্থিত হবার পর লোকেরা তাঁর মৃত্যু, সমাধি এবং তাঁর অবির্ভাবের বিষয় সাক্ষ্য দিয়েছিলেন। ৩৯-৪১ পদ
- ঘ) বহু পূর্বে ভাববাদীদের প্রতিজ্ঞা অনুসারে, যীশু তাঁর নামের মাধ্যমে আমাদের কাছে পাপের ক্ষমা প্রদান করেছিলেন। ৪৩ পদ।
- ঙ) যীশু প্রত্যেকের কাছে এই সুসমাচারের সহভাগিতা করার আদেশ দিয়েছেন। ৪২ পদ
- ১ পিতর ৪:৮-৯ পদ পাঠ করুন। যারা আপ্যায়ন করেন ঈশ্বর তাদের আশীর্বাদ করেন - এই বিষয়টি ব্যাখ্যা করুন।



প্রভুর ভোজের বিষয়টি পরিচিতির জন্য লুক ৭:৩৬-৫০ পদ পাঠ করুন যেখানে একজন মহিলার বিষয় বলা হয়েছে, যিনি তাঁর চোখের জলে যীশুর পদযুগল ধুয়ে দিয়েছিলেন। ব্যাখ্যা করুন, আমরা যখন যীশুর উপস্থিতির মধ্যে আসি, তখন পবিত্র আত্মা আমাদের পাপের সম্বন্ধে প্রত্যয় উৎপাদন করেন। আমাদের পাপ স্বীকারের জন্য এবং ঈশ্বরের ক্ষমা কত মহান তা স্মরণ করার জন্য আমাদের সময় নেওয়া উচিত। আমরা যত আমাদের পাপ পূর্ণতার বিষয় উপলব্ধি করব, তত অধিক আমরা তাঁর দয়ার জন্য কৃতজ্ঞতার এবং প্রেম অনুভব করব।

শিশুদের তারা যে নাটক, কবিতা এবং প্রশ্নাবলী প্রস্তুত করেছে তা উপস্থাপন করতে দিন।

ঈশ্বর কিভাবে বিশ্বাসীদের তাদের ঘরে অন্যদের সেবা কাজে ব্যবহার করেছেন অথবা তারা যখন অন্য বিশ্বাসীদের আপ্যায়ণ করেছেন, তখন ঈশ্বর কিভাবে তাদের আশীর্বাদ করেছেন সেই বিষয়ে বিশ্বাসীদের সাক্ষ্য বা রিপোর্ট দিতে বলুন।

প্রার্থনা করার জন্য এবং পরস্পরের পরামর্শ দানের জন্য এবং পরস্পরের গৃহ পরিদর্শনের জন্য এবং অবিশ্বাসীদের গৃহ পরিদর্শনের জন্য পরিকল্পনা নিশ্চিত করার নিমিত্ত দু-তিনজনের কয়েকটি দল গঠন করুন।

যোহন ১৫:১৪ পদটি একত্রে মুখস্থ করুন।